

桂

軒

續

稿

乎時而亦存乎人焉

皇明光祿氣完作者輩出至于
詩焉惟吳中與吾嶺南為盛
洪武初吳中則高啓楊基徐
賁張羽各以其詩鳴時稱四
友嶺南則孫蕢王佐黃載李

德趙介結為南園詩社時稱
五先生一時高唱莫不含淳
漱和掩古轢今而衆體具焉
其純雅之詞和平之音寔足
以鳴

國家之盛故今天下之論詩者

一則曰吳中二則曰嶺南焉
宜乎嗣之者代弗絕響也若
四川憲副致仕江一原先生
其今之巨擘者與先生為人
和厚樂易破一切城府崖岸
而游心太古之先好學之心

老而不倦故能博極羣書出
入古諸作家之門戶而窺其
室奧耳目所及而感之心思
者發而為詩率皆和平純雅
一掃悲邁艱澁之病而思致
之遠風雅之高則又颯颯乎

溢於言意之表若漢之樂府
晉之五言唐之五七言律絕
句與夫歌行諸體信筆而成
莫不握其樞機中其肯綮誠
足以匹休乎五先生而追踪
乎古之作者矣蓋先生生際

重熙累洽之餘而得之氣化者
為獨盛所謂關乎時者也然
亦豈非本其天分之高學問
之博考索之精有以大過人
與不然彼挾冊呻吟旬鍛月
鍊而致力於詩焉者蓋亦多

矣獨不能與於斯者何哉所
謂存乎人者也先生平生著
述甚富自發解為進士為茂
宰為地曹為監司時所作門
人知縣吳璉輩輯為前集刻
于江右矣其在蜀為兵備憲

副時所作總戎李公鎬輯為
續集刻于松州矣暨歸老于
羊城也又十年矣諸子宏又
將輯為別集刻而附于續集
焉先生謂詡頗知音也俾序
之詡謬謂詩關乎時而亦存

乎人者如此然則歆成一代
制作之名於天下如先生信
不可以無所本也

弘治十八年歲在乙丑春正
月上日南海病夫張詞書

桂軒續稿目錄

卷之一

古樂府

將進酒

門有車馬客行

長安有狹邪行

關山月

秋夜長

車遥遥

臨高臺

戰城南

君馬黃

行路難

蜀道難

巫山高

結客少年場行

野田黃雀行

楊白花

獨不見

飲馬長城窟行

出塞曲八首

長安道

雨雪曲三首

折楊柳

長門怨

自君之出矣二首

班婕妤

征婦詞

羈旅行

采蓮曲

劉生

白頭吟

燕歌行

又燕歌行

王昭君

從軍行

放歌行

征夫詞

芳樹曲

上之回

少年行二首

怨歌行

春宮詞

遊女曲

寄衣曲四首

雙行纏二首

少婦詞

壯士行

秋閨詞

春曉曲

瑩篋詞

陌上桑

美女篇

猛虎行

紫騮馬

出自鄭北門行

代君子有所思

江南北

幽腸曲

艾而張

烏夜啼

去婦詞

結襪子

古意

照鏡詞

憶遠曲

公子曲

雉子斑

幻女詞

宓婦怨

青樓怨

商婦詞

銅雀臺

洞房曲

隴頭水

妾薄命

公莫舞

綠珠怨

休洗紅

青樓曲

採菱曲

思歸引

竹枝詞

吳宮怨

思君思

古別離

塞下曲

遠將歸

當窻織

老将行

塘上行

懊惱曲

有所思

君不來

吳鉤行

團扇詞

宛轉詞

楚妃歎

大堤曲

玉堦怨

金井怨

俠客詞

古宮怨

卷之二

五言律詩

次何都憲村居秋興八首

次張靖州九日遣懷韻十四首

挽高生應奎

賜閑為韓長史先生作

寫懷二首

夜宿黃塘舟中言懷

雨夜

宿晉江

舟中偶成

宿江口巡司

長沙道中

謁賈太傅祠

宿益陽公館

宿新莊驛次題壁韻

鄭家驛次沈提學先生題壁韻

界亭道中

便溪道中

沅州道中

沅陵道中

平溪道中

檇清朗

宿清郎公館

靖朗道中遇晴

鎮遠分司寄宿

餘慶道中

岑黃道中

偏橋以抵白泥有見而作

湄潭道中

蘇溪道中

湄潭驛遣興十首

樓山坡

楷川驛閑坐

次前韻

九龍坡

驛舍偶成六首

客思

烏江坡

安穩驛夜坐

晚發綦江

綦江道中

永川言懷

中秋雨夜書感

重陽遇雪言懷

宿茂州

松州寒食四首

過新堡子

五言排律附

遊寶陀寺十四韻

卷之三

七言律詩

次顧別賀擬歸韻 四首

登粵秀山次霍東臯先生韻

月溪為李宗賜題次鄭藻舟韻

偶成

夜泊橫石磯

夜宿黃塘舟中言懷

次洪憲副官之夜坐聯句韻

再次按察司題壁韻

過大庾嶺

醴陵道中

客途漫興寄黃汝章貳守

桃源分司次沈仲律先生題壁三首

過桃源次沈仲律韻

宿山塘次題壁韻

龍陽道中

次簡宗敬題都亭壁韻

偶成

過馬鞍山

槩子嶺

宿冕州驛

相見坡

望城坡

宿偏橋驛

小腮坡

跌驢坡

崖門坡

宿湄潭驛

仁水道中

燈下口號

永安道中

曉發播州

滴淚三坡

桐梓驛書壁

松坎驛端午

安穩驛次孫憲副過九盤山韻

安穩道中

九盤山

東溪道中

梁夫人哀挽伐董憲副作

陸贄墓

張飛廟

德陽分司題竹

次童都堂題葉堂壁韻

次童都堂韻二首

到松潘

復次前韻奉荅白叅戎

為李總戎題畫二首

雲山清樂卷為胡主事乃尊題

中秋雨夜書感

九日值雲言懷

草廬三顧

漢昭烈祠

初冬感興

冬夜寫懷

夜坐偶成

夜懷

疊溪道中

卷之四

七言絕句

蒲石為李食憲題次李先生若虛韻
菊花次李先生若虛韻

題梅花卷

次臨江布政公司題壁韻

再謁張文獻公祠

五首

松州即事

釣魚圖為李總戎題

采樵圖為李總戎題

漁翁

唐馬圖為李總戎題

毛女圖為李總戎題

閑坐書懷

漫興

卷之五

五言古詩

過大庾嶺登文獻祠十八韻

松州即事四十韻

除夜客中寫懷

客中清明有感

四月二日邀李總戎郊行小酌

卷之六

七言古詩

題劉氏雙節表

寄成三為黎景陽題

題梁都堂太夫人哀挽

過倒馬坎

天一閣故物文選樓目著錄
重刊前記
卷之八
小雅

桂軒續稿卷之六

四川按察司副使番禺江源一原著

古樂府

將進酒

將進酒旨且多勸君且停酌
俛首聽我歌古人造旨酒供祭
渾無他燕客取合歡養老怡天
和百拜酒三行賓主兩可嘉
威儀信不忒言語無諠譁
如何沉冥徒縱飲生過差將
進酒旨且有

飲兮不可過樂焉不可又又樂則生悲過飲動
得卧如愆爾威儀毋亂爾籩豆執法在吾傍御
史在吾後酒誥禁沉酒衛武悔飲酒君不見昏
酣阮步兵棄茂禮法何足稱又不見嗜酒李謫
仙沉身采石復可憐勸君反覆思聽我丁寧辭
古人詢葛蕘勿謂余言欺

門有車馬客行

客從故鄉來車馬憇門柳延客入我堂少坐且
抖擻須臾問從來故鄉有書否客荅即欠身封
緘乃相授書中何云云道我別離久大兒能讀

書幼子亦學走田園未荒蕪年穀盛豐阜讀罷
心始降離憂復何有張巡具嘉穀飲客盡斗酒
君其少盡歡明日復分手

長安有狹邪行

大都有捷徑軒蓋衆若雲佩玉搖玲瓏羅綺相
鮮新為問過者誰云是諸貴人楊李皆近臣韓
魏皆近親金吾避馳道御史回車輪候門側如
市氣勢薰秋旻豈知終南隱樸素先禁民衡門
足棲遲義路良可遵榮辱了不知理亂亦不聞
窮居三十載高卧南山春

關山月

胡天雲淨無纖瑕一輪明月關山賒青海城邊
籠白骨黃龍塞上照寒沙舉頭處處看圓缺低
頭默默傷離別鐵騎宵征嶺霧深毳房野宿邊
風烈一回見月一思歸故鄉迢遞音書遠家人
見月亦思我道我歸期定幾時

秋夜長

碧天如水河漢流洞房蟋蟀鳴高秋百尺枯桐
掛西月一聲孤鴈度南樓徘徊獨步愁長夜孤
妾空閨誰與儔悠悠閑却雙鴛枕慙慙不煖孤

衾裯手寒燈下裁書劄目斷天涯無便郵念君
萬里隔胡越我欲從之河無舟河無舟將奈何
為君一曲彈箏篴鵲絃轉撥相思調不道相思
更起愁相思一夜頭欲白我姑酌酒聊銷憂

車遥遥

曉鷄啼徹滿屋霜征夫促裝何太忙車兒載脂
午駕輓関山滿目阻且長出門即是天涯路教
妾那能不回顧空閨未必傷別離遠道唯憂事
辛苦車輪聲遠漸不聞東西去任從此分婦人
自古不出門妾身安得隨車塵音書寂寞誰相

問兩轂那知行遠近
願君一去早回車
莫使青銅泣霜鬢

臨高臺

臨高臺山河逶迤何壯哉
下窺海子萬頃之洋洋
溢上聳樓觀千尺之崔嵬
笙歌雜沓魚鳥徘徊
四時風雨調萬國
梯航來治遊宮登覽輪蹄起
塵埃

天子金臺曾再築
相公東閣又重開
願我主壽千萬年
樂哉長與吾民偕

戰城南

戰城南揚義旗大小百餘戰勁氣不少衰一朝
赴敵先士卒為臣死忠心不疑丈夫徇義貴得
所馬革裹尸何足悲古人一戰寧愛生野死不
莖烏食之間渠茲事胡乃尔食君之祿分所宜
君不見李陵降虜汚青史張巡罵賊真男兒誰
云薰蕕莫別白薰狐裘貶千年岳

君馬黃

君馬黃我馬赤精神肯把千金易一朝君馬先
着鞭康莊高步如登天青絲結轡玉為勒天閑
十二隨周旋嗟哉我馬時不利瘦骨嶮嶮入共

棄安知不遇伯樂徒價重飛龍空北冀

行路難

人情滿眼多翻覆世路崎嶇難着足狹邪况復
荆棘殷往往令人成慟哭行路難仔細陳盃羹
分我忘所親烏盡弓藏長太息尺布之謡那可
聞耳餘之交何足數糟糠之妻棄如土世間萬
事無不然蜜口笑刀垂於虎太行九折尚可輪
瞿塘三峽險足云人心譎詐千萬變行路之難
應莫倫

蜀道難

莫高兮蜀山莫險兮蜀水千尋灩澦接錦江萬
疊岷峨連玉壘巉岩石棧當中流翻崖雪浪蛟
龍愁縱橫鳥道逼霄漢號風老水陰雲稠百丈
危橋橫鉄索咫尺顛崖懸劍閣行人負荷淚欲
流舟子未行膽先落王尊策馭何壯哉王陽回
轍愁車摧忠臣孝子各有見坐令聞者徒悲哀
昔聞蜀道難今歷此地險辛苦曾備嘗慟哭恐
未免吁嗟蜀道之險有形者曷若人心之險無
形耶有形之險力可防無形之險能中傷

巫山高

昔聞巫山高今見巫山來巫山高兮高莫比金
削面面芙蓉開峽中可望不可即萬變雲烟自
朝夕十二奇峯天造成我欲從之無羽翼見此
名山真大觀且留雙眼恣盤桓聞猿不下思鄉
淚見月徒傷去國魂誰誣此山下神女為雨為
雲總虛語我為山靈一洗羞更薦江蘋酌芳醕

結客少年場行

結客不必皆吾徒結客未可輕遊俠吾徒或恐
竊虛名行不掩言徒喋喋平居盃酒稱縉紳趨
炎附熱何殷勤一朝失勢誰復在肝膽披宣能

幾人不如遊俠少年子邂逅相逢重高義雖然
不讀古人書誓死酬恩心不二臨危一旦即捐
軀前日誰知是丈夫朱亥胡為脫季布公孫一
死存趙孤始知結客良不易勸君莫輕著販徒
酬恩往往有如此食君之祿將何如

野田黃雀行

秋秋野田雀丘隅遂成窠夏日隴麥熟秋風木
黍多飽食日靡厭翩翩集高柯地僻少彈射山
深無網羅豈知田家苦未獲先催科若比桑扈
鳥竊脂不竊禾我本欲誅汝群飛將柰何願汝

化為蛤去去隨狂波

楊白花

楊白花太輕薄飛出官牆何所之上下隨風恣
飄泊惱此風花不戀枝佳人金屋顰蛾眉渡江
一去不再返哀歌聲裡徒相思

獨不見

天子肆北征夫婿去應募白馬黃金羈翩翩玉
門戍握手與君別去住東西路十步一徘徊五
步一反顧憶妾別君時楊柳搖金縷今年妾憶
君芙蓉委秋露底事無回期裏情復誰訴牽帷

獨不見默然傷遲暮

飲馬長城窟行

驅車登邊隅四牡寒風呼云是古長城堅永疑
川塗舉首見陰山落日懸穹廬漢兵數飲馬秦
人曾備胡長天絕飛鳥荒堠鳴妖狐髑髏枕草
根恐是築城徒往事不暇問吾將吊扶蘇故國
豈不思猶未平匈奴將遵克國計獻上金城圖
功成受薄賞拂衣歸翳吾

出塞曲八首

一出玉關道風塵暗使車孤軍窮黠虜萬幕列

平沙落日搖旌旆悲風雜鼓笳此身歸未得四
海暫為家

又

往歲戍河陽今年出定襄暫隨祭征虜誓斬左
賢王鐵甲凌寒霧重積夜霜防秋今正急壯
士莫思鄉

又

少小去防邊十年猶未旋心旌懸漢月身世老
胡天驍勇胷中甲奇謀圯上篇功多

天子錄他日盡凌烟

又

聖主方推轂沙場欲報恩寧為全勝筭且莫較
功論堅壁防驕虜揚旌止太原笑他甯車騎徒
尔勒燕然

又

出塞旂三疊橫行卒五千功期三箭定勇冠萬
人先渴則餐胡雪飢來食弩弦封侯事竟寢燕
額亦徒然

又

邊庭新應募胡虜舊知名耻作千夫長身為萬

里城曉趨青海戰夜度黑山兵誓財黃金叩蹉
跎竟不成

又

歲歲成河源天寒衣不完始覺邊兵苦誰為
天子言將軍奏戰績中國竭財源請下輪臺詔餘
生入玉門

又

慘懷辭故里迢遞赴居延六月多冰雪孤城乏
水泉漢兒頻挽粟胡地不堪田棄絕妻孥愛年
年長戍邊

長安道

幽燕自古天下雄
千年王氣此地鍾
長安大道坦如掌
關中洛陽俱下風
百二山河勢差別
四面金湯固如鐵
居庸山海來重關
無乃天造與地設

皇圖鞏固據全燕

帝居壯麗古無雙
龍闕聳雲霄外
五鳳樓高日月邊

南城宮殿魏花萼

大內亭臺過銅雀
九衢馳道蔭青槐
五侯甲第

施珠箔軒蓋雲屯戚里門桃李花開公主園六曹
館閣文書靜五府官僚車馬誼

天子金臺不重築俊彥登庸賢夢卜百萬鐵甲羽
林兒億秘軍儲太倉粟郊畿千里歌時雍玉帛
萬國皆來同四時八節烟烽息五風十雨禾黍
豐越裳白雉來中夏盛世蒼麟在郊野折獄廷
評盡釋之摘文史館皆班馬垂楊新水白玉河
香塵滾滾春風和夜巡司隸搖金鐙曉直將軍
散玉珂兩兩中官耀金紫雙雙遊女嬌羅綺仕
商寶貨積如山治遊冠蓋濃於蟻吾民樂利恣

所知豈知

堯舜在唐虞去年有

詔罷貢獻今年再

詔蠲民租

身先恭儉古莫匹更

賜經筵講無逸愛民軫念關陝逋安邊復罷輪臺

卒我生幸際

聖明朝誰道馮唐不見招河清底用詞人頌康衢

但聽兒童謠外臺一別長安又歲月蹉跎成老

醜

君恩戀戀遽敢忘江湖疏遠重回首

雨雪曲三首

邊戍同雲黑胡天雨雪濃望迷青塚路坐失白
狼峯光奪臨關月寒添刮地風冬衣蒙寵賜
天子念邊戎

又

雨雪連青海隆寒襲鐵衣白迷番部落光照漢
旌旗使者供餐日邊兵墮指時皚皚染雙鬢不
道老邊陲

又

雨雪肆憑陵霏微暗白登玉龍翻施重素練覆
沙層凍合陰山道寒凝瀚海水鐵衣長不煖誰
復念西征

折楊柳

春風路傍柳翠帶相綰結攀條贈遠人千里傷
離別一夕秋風生紅芳已消歇只恐君歸來長
條不堪折妾容與此同衰遲君恩敢忘如前時
長門怨

金屋春如海長門日似年君恩原不薄妾貌豈
長妍別殿聞清樂中街長綠錢君情倘不絕萬

一舊人憐

自君之出矣二首

自君之出矣重上望夫山思君如雨竹含淚日

班班

又

自君之出矣膏沐爲誰施思君如摘藕中含千

萬絲

班婕妤

長信鸞音遠昭陽舞袖長薄軀甘自棄隆寵竟
難忘敢效前魚泣徒悲畫扇藏自辭同輦後君

莫忌專房

征婦詞

夫婿霍家郎，旅力排南山。名籍屬羽林，曾列鸞
鵠班。去年拒戰天山虜，今年又伐交州蠻。嗟君
頻歲苦征戰，一身許國何曾閑。君行萬里道，日
日風霜顏。南征復北征，車馬何時還。妾不憂君
飢，與寒。妾不憂君行路難，願君蓄德莫伎求。妾
守空房心亦安。

羈旅行

十年作客不停足，前日荆揚又川蜀。曉行面垢

當北風無酒可沽忍空腹商奴炊黍官路邊風
餐露飲誰將憐暝投村店借一宿主人索我房
租錢人生出門即辛苦何況年年別鄉土水深
巫峽愁蛟龍日落荒山畏狼虎今日方知作客
難頻年臨水還登山遠遊縱得千金好不如在
家貧亦安

采蓮曲

采采湖上蓮妾貌比花妍折花莫折藕折藕絲
相牽湖中日出湖邊雨女伴停船隔花語雙旆
濺浪溫羅衣逐伴隨潮過芳渚忽憶郎遊浙水

西滿船乘却荷花歸不如湖上鴛鴦鳥頭白雙
雙一處飛

劉生

劉生重豪俠名姓動王公說劍輕頗牧酬恩誓
始終揚鞭過錦里沽酒醉新豐何處風塵起專
征第一功

白頭吟

妾髮始覆額來登君子堂兩小為夫婦容好結
巾腸貯我黃金屋寢我白象床恩義固膠漆誓
比雙鴛鴦一旦遽離別曠若參與商妾顏未改

色君心胡改常新人固可樂舊人徒悲傷君心
異宋弘糟糠忍相忘浮雲有返期枯草生春陽
君恩儻不絕塵鏡重磨光

燕歌行次魏文帝韻

幽燕先秋零露涼畫欄玉樹凋飛霜北風鷹鶚
爭翱翔賤妾憂來結寸腸良人胡為客他鄉從
來孤矢射四方青苔從他生洞房悠悠念君不
能忘未寒先寄君衣裳蕭關遠戍非征商雨雪
惟憂邊路長鴛衾不恨空象床愿君封侯樂未
央南北且莫遙相望桑乾欲渡河無梁

又燕歌行次唐人高適韻

匈奴部落幽燕北昨夜雲中報胡賊邊堠留連
烽火紅胡天慘淡風雲色揮戈夜出居庸關許
國寧辭百戰間今日驅兵屯黑水去年追虜度
陰山可憐中國多荒土復關窮邊冒風雨寒封
鐵甲冷如水虎帳閒鷄還起舞秋半黃龍塞草
腓日斜青塚鴈行稀七擒茂績威南服六出深
謀解虜圍禦戎我獨三邊久論功耻落諸君後
屈指西風又幾秋望鄉戀闕頻回首歲月悠悠
欲白頭烟閣雲臺我何有五侯七貴乳臭兒腰

懸金印大如斗英雄不遇徒紛紛
勒燕然不紀勲君不見飛將不侯終已矣
古今人惜李將軍

王昭君

一適單于庭千秋漢宮別不怨丹青人但嗟薄
命妾薄命不足憐萬里度居延風沙暗玉色不
似漢宮妍漢使歸時傳妾語自惜傾城漢家女
雖熱尊我關氏名殊類終非妾儔侶羌笛蕭蕭
古塞秋琵琶淚逐黃河流君王莫再和親議萬
古終為大漢羞

從軍行

烽火連幽并匈奴屢入寇撫劍出飛狐君命所
不受鐵鎧破飛龍黃金飾戰冑大小七十戰虜
酋每首授功成奏未央天子嘉績我但恐忌功
者矯制比延壽

放歌行

我生不與草木同胷中慷慨氣吐虹經綸於我
若固有古人糟粕何須攻也曾獨對黃金殿也
曾三掛天山弓蹉跎歲月苟不學昨日少年今
老翁人生萬事無不有世故浮雲變蒼狗逆旅

匆匆誰百年貴賤古今骨同朽走馬紅塵三十
秋老大徒傷未回首腹中不生丁固松門前學
種陶潛柳惟陰事業絕世奇胡為富貴昧先幾
伯烹兔死良可惜鍾室千年怨阿誰不聞三傑
中更傑封留先典赤松期功成身退乃天道不
然鳥喙終見疑今人不如古人好為官未老休
官早我且五湖歸去來黃菊青尊任傾倒生前
若不各盡歡死後身名亦枯槁試看金谷舊池
臺敗瓦頽垣沒秋草

征夫詞

征夫語征婦為國使鷄林玉帛走萬里冰霜持
寸心離別不足嘆歲月愁侵尋莫怨清路塵莫
賦白頭吟春一分素手秋風候歸音不學秋胡
子戲擲桑中金

芳樹曲

芳樹乘春茂柔柯壓檻濃葉无浮鴨綠花艷奪
猩紅感物生離思思君損玉容人生不如樹歲
歲自春風

上之回

上之回甚盛舉專內脩禦外侮敷文德振威武

四海同萬物觀五星聚百神祐烏孫稽首單于
拜舞月氏請降西域納土麟遊郊鳳在圃朱草
生紫芝吐封疆越唐堯神功邁夏禹持觴壽萬
年永為臣民主

少年行二首

朝侍明光夜直廬少年膽氣冠千夫指生報主
明如日不學區區刺客徒

自謂英豪比信陵手提三尺事橫行沙場會有
封侯日跋扈將軍未可輕

怨歌行

憶昔事君及笄年隨君問寢姑來前梳釵
妾未暇蘋藻辛勤君亦憐貧賤為君豁懷抱比
翼連枝兩情好梁鴻德耀總不如自謂百年共
偕老青蠅止棘君心移能使堅白生磷緇妾心
如月君不察妾顏如玉君終疑吁嗟薄情似行
路對面相逢不回顧昨日恩愛今寇讎人生莫
如婦人苦

春宮詞

細草東風滿宮綠春色薰人倦裝束小姬莫漫
撚簾看咫尺長門限黃屋絳綬重封舊守宮朱

顏不與花爭紅人閑書靜重門閉雨打梨花無
正濃

遊女曲

漢江有遊女一咲便生春水白凝嬌面猩紅頰
舞裙陽臺非昨夢蘇小是儂隣不學潯陽婦白
頭猶嫁人

寄衣曲四首

邊城七月雪六月已成衣殷勤托邊使只恐到
來遲

郎寒耶妾寒縫衣寄邊垣妾寒尚自可郎寒誰

溫存

裁縫值殘暑萬里寄邊城莫道寒衣早蕭閑八

月水

裁衣持寄即燈前起長歎重綿密密縫怕即邊
塞寒

雙行纏二首

紮白雙行纏繫儂白玉脰不羨步生蓮矢心不
由徑

足纏合歡帶文綏雙飛鳥卷心足容顧自重不出君
閨房

少婦詞

朱云隨官道垂楊陰御溝玉顏稱皜素羅扇障
嬌羞夫婿官司隸諸兄位列侯青樓專寵夜歌
舞幾曾休

壯士行

二十始弱冠豪氣隘九州千金結遊俠一言懼
諸侯酬恩誓白日抗義橫高秋丈夫諒無負羞
比荆阿流

秋閨詞

秋風揚柳凋金縷落日芙蓉照芳渚銀屏翠被

不勝秋錦鞭白馬遊何處薰籠斜倚到黃昏月
上梧桐正掩門嫁來不識門前路萬里相隨空
夢覓

春曉曲次清風亭稿韻

曉掀珠箔迎朝陽春思撩人空斷腸寒多鸚鵡
語猶澁露漬荼蘼花正香朝來料峭凝脂冽却
憶東風去年別梨花開又逼清明不道歸期過
三月

筌篴引

吾生寄一世會少離別多今日且歡宴邀我親

友過魚烹宰肥牛有酒旨且多鳴箏奏秦女錦
瑟付齊娥况此三春時百鳥聲相和薜蘿結新
綠紅紫紛喬柯景物與意會不飲將柰何青春
無返期逝水無迴波百年一過目白首成蹉跎
相逢各盡歡管取朱顏酡無為戚戚懷一生長
轆轤

陌上桑

離離陌上桑枝葉何綢繆春月蚕正饑携筐來
陌頭采采不盈掬我心方鬱憂使君從東來徘徊
顧道周賤妾亦有夫執戟侍宸旒使君亦有

婦五馬何淹留君非宕子輩妾非娼家流君婦
恐如妾願君早回頭

美女篇

美女淑且都螭頰白玉膚弱臂約金釧纖腰束
羅襦容華比桃李無乃傾城姝顧盼生光彩咳
唾落明珠問女何所止乃在都城隅高居起層
樓朱戶臨九衢閉門學女事婉婉教詩書令顏
孰慕慕幣聘爭先趨此女慕高義玉帛徒區區
不羨大長楸不慕執金吾君子孰可匹惟希梁
鴻儒媒約何因循中夜起躊躇盛年不再至容

色安所如

猛虎行

長林日未晚猛虎相逐馳目光耀飛電咆吼震
山陂百獸盡潛伏群鳥亦高飛鹿麋供爾膳人
肉充爾飢一朝落陷穽牙爪曷所施人既啖爾
肉又復寢爾皮凡百惡傷類狐兔亦孔悲何不
渡江去穩卧南山陲

紫騮馬

紫騮馬何翩翩肉髯耀日赤隅目夾鏡懸翠蹄
削玉耳批竹黃金飾勒玉作鞭一朝騎出萬人

羨駑駘羞縮不敢前
萬里橫行沙漠北
幾回破虜陰山顛
劫滅歸來報

明主春風沙苑又年年

出自薊北門行

朝出薊北門去去復何止
揮戈越飛狐驅兵渡黑水
風勁每折膠天寒欲墮指
羽書日三至軍營夜五徙
殺風半夜來悲笳數聲起
虜陣屯隔河勇悍更莫比
恐孤推轂息向前決生死
一鼓鋒始交再鼓敵披靡
三鼓收成功天山定三矢
使者奏甘泉捷書報

天子生繫左賢王懸首橐街裏

君子有所思行

肅駕來京畿縱觀何巍巍甲第逼雲漢青樓敞
朱扉公卿耀金紫遊俠誇輕肥銅臺貯歌舞金
谷富臺池千金易駿馬百斛買名姬歡樂靡紀
極準擬千齡期年貌豈長在白日亦易馳榮華
會當歇零落歸山陂前日歌舞地今日生蒺藜
運固有崇替誰當監興衰卓哉君子徒三思固
其宜持滿慎傾覆居豐思謙卑

江南行

郎居柳波水妾住荔子灣後前不相識偶
花間問妾何所之不荅低雙鬟知郎雖有意未
敢強開顏

又

郎從何處販鮮來叶妾亦採菱溪上歸相並船
頭打兩槳莫教濺浪濕儂衣

斷腸曲

去年春去花已摧今年春至花仍開花開花謝
春長在鏡裏紅顏那復回對此愴懷抱所思在
遠道望君君不歸其雨日杲杲膏沐不復施蛾

眉為許擗容色不如花憂傷以終老

艾而張

載張我羅載畢我網嗟爾燕雀來止下上惟我
鸞鳳百禽君長九仞其儀天下共仰苟不來下
我心悵快孰能致之文明之象致賢亦如此稽
首祝

君相

烏夜啼

老樹當前除夜夜棲啼鳥啞啞聲未歇霜重月
模糊汝啼有赦書此事知有無主人何所愛

汝能反哺鳥中有曾參愧死鴟鴞雛兒童不汝
彈誰忍更彎弧願汝長生八九子願汝常棲
樹株

去婦詞

憶初嫁君時兩情誓不易女訓寧輕違願終亦
極力云何異初志遂成參商隔新歡似桃李舊
愛變荊棘令德鮮不虧妾身固不惜去去從此
辭出門淚橫臆行路正遲遲怕逢舊親戚不辨
東與西一去復何適羞作水上鳬寧化山頭石
中心君豈知百年誓貞白

結襪子

君不見周公大聖人吐哺禮賢情復真君不見
信陵亦大賢折節下士意愈堅二人既下世屈
指今千年寥寥人不聞士風亦摧遷豈無平津
閣亦有孟嘗門待士特虛名焉有實意存勢位
巍巍自尊大奔競紛紛望塵拜上書光範亦可
憐染指垂涎又何怪嘉會

今逢五百春坐令風俗澆還淳見說公卿能下
士眼前結襪寧無人

古意

明月不長滿好花不再紅
妾顏豈長在君恩亦
無終君情與妾意如水
東西流物態有如此妾
心誰怨尤

照鏡詞

青銅鑄作鏡朝臨復暮臨
但能照妾貌不能照
妾心妾心清如水問郎知
未曾無以貌盛衰一
旦變愛憎

憶遠曲

淒淒復淒淒洞房鳴莎鷄
秋風動孤幃落月照
空闌念君非征役五歲遊
梁齊十書九不到萬

里徒封題獨宿累長夜不敢向人啼妾身甘棄
置何敢怨睽違獨不念倚廬盼望到日西憑誰
道此意願君早旋歸

公子曲

風流貴公子羅綺嬌青春防身有長劍吐辭亦
成文闔鷄遍九陌躍馬遊三秦時宿邯鄲倡或
作諸侯賓不避金吾貴不怕丞相嗔慷慨薄時
俗豪宕凌秋旻莫言少英俊中有信陵君

雉子斑

雉子斑文采何離離秋風黍苗短啄啄雄鳴鵠

低飛不能去蔽身淺草咬良媒勿勾引離群寧
詭隨鼓翼張勇氣闔死不復疑耿介固其性禽
中有要離

幼女詞

戀戀阿母慈出門索新衣時時偷照鏡學人畫
雙眉有時阿姊見兩手障嬌面

宕婦怨

春來萬物榮風暖雙鳥鳴物各有所適宕子不
住行去年章臺路今年襄陽城十載不一書臨
別徒丁寧千金結新愛一旦捐舊盟青鏡暗流

塵綠綺傳芳聲永白諒自愛敢怨君薄情

青樓怨

青樓蔭綠槐珠箔映層臺同心待君結繡領為
君裁清歌復妙舞君何不歸來況復久無書奈
此飢渴懷離絃曠錦瑟洞房生青苔妾心曷所
慰但視襖中孩

商婦詞

去年春日即辭家今年秋日留天涯去年來
無定住勸即莫向臨邛去朝渡漳河暮汴河聞
郎處處長經過歲晚望郎郎不至獨宿孤房空

掩淚金釵擲下當卜錢問卽作客何時旋卽心
嗜利苦不足靡靡長途不停轂男兒富貴自有
時何須苦涉風波危

老将行

次唐人王維韻

少年憶我從軍時步行千里無馬騎橫戈直搗
烏孫穴請纓生繫單于兒奇謀端不饒孫武伐
宛何曾數貳師百戰勤勞決生死三軍甘苦同
霍藜英雄素學萬人敵說譎羞誇大出奇未
草木同衰朽玉關迢遞重回首彎弓前日重橫
行世事如今翻掣肘征袍塵滿掩團花舊營霜

冷摧衰柳。龍韜作枕。卧南窓。魚服凝塵。懸北牖。
曩時橫槊賦新詩。刮骨何曾妨飲酒。眼昏猶識
陣前雲。羽檄從今不復聞。部曲尚威嚴。號令偏
裨。還憶舊將軍。沙場已倦飛。龍力寬血。猶腥寶
劍文。王翦尚堪勅楚敵。燕頗猶可却秦軍。伏波
老去何為者。可惜凌烟不預勲。

銅雀臺

魏武竊神器。鼎分漢土宇。陋哉無遠圖。築臺貯
歌舞。臺榭紛綺羅。嬋娟競媚嫵。我窺奸雄心。乃
欲傳萬古。胡為不五世。九廟已焦土。歌舞能幾

時歡娛變懷楚松栢生悲風西陵已無主多少
分香兒誰知屬典午

洞房曲

洞房窈窕春融融真珠簾幙圍香風木難光透
芙蓉帳琥珀香浮玳瑁鍾錦帶蟠留繡連理玉
潤冰清兩相倚雲鬟斜壓鳳凰釵水沉香蕤鴛
鴦被房中琴瑟自和平不須楚調和秦箏留連
歡樂長侵夜簾外月高花影橫

隴頭水

隴水何悠悠奔騰咽朝夕為誰鳴不平古今幾

行役洗血川泥腥磨刀水凝赤驅車下上隴朔
風捲沙礫時聞嗚咽聲行行莫嘆息男兒死疆
場姓名寫竹帛

妾薄命

彩雲不長存濃花亦易落君子恩已畢無乃妾
命薄偕老願竟違履綦已蕭索花容為誰妍蘭
房久寂寞十年燕子樓主恩尚如昨誓不隨頽
風更忍歌舞樂君兮知不知妾心旌無怍

公莫舞

鴻門楚子音宴張喑嗚叱咤真剛強一時殺氣

隘六合座中龍準何令皇當時壯士髮直指按
劍直前裂雙皆危言雄辯氣如虹不但區區爵
生疏公莫舞方公舞之烟塵袞袞雙龍飛不聞
天生赤帝子驪山妖母能先知剛強乃匹夫何
如寬仁主坑降天乃厭綺素衆所與拔劍碎玉
斗徒然怒亞父漢為王楚為虜天所為公莫舞

綠珠詞

主家富敵國金谷年年春樓臺艷羅綺交疏錢
檀沉黃金易歌笑明珠買妾身火浣裁舞衣珊
瑚如拆薪一朝禍亮豎無乃為妾嗔拍驅尚何

惜未足酬主恩昨日掌中珠今日道上塵女子
猶乃爾區區徒羨新

休洗紅

休洗紅洗紅艷色死舊紅雖好不如新新紅為
衣舊作裏世情顛倒亦若斯何怪詩人歌綠衣

青樓曲

青樓高高臨九達綉戶鎖窓珠箔垂寢君兮白
象床御君兮青綾幃樂君兮碧玉簫飲君兮黃金
卮鴉玄粉白無不有人生歡樂須及時少年不
肯為君住黃河東逝日西馳朱顏易衰頭易白

勸君且莫輕別離

采菱詞

采菱復采菱東湖復西湖
駐邀淇上女但約隣家姑
湖水何悠悠薰風亦徐徐
水深菱葉肥水淺菱葉枯
采采去復來川路何縈迂
但恐刺纖手不愁濕羅襦
徘徊思幽獨打起雙飛鳬
回船日已暮明月生菰蒲

思歸引

女蘿附長松好鳥棲高柯
千里遠結婚托君以爲家
生未識君而死別將奈何
妾心如井水終

年不生波深宮歲月侵故國雲山餘謾賦竹竿
詩徒傷泉水歌有生不如死化石嵩山阿幽思
寄哀絃妾身長自嗟

竹枝詞 三首

卽遊巴西復巴東雪消江漲舟凌空昨來寄得
平安字更說艱難愁殺儂

聞道襄陽物物春一後卽去無音塵勸卽莫向
大堤去女兒花艷能迷人

八月秋風漢使槎憶卽身世在天涯三巴三峽
莫云遠四海梯航今一家

吳宮怨

白苧寒生水殿風芙蓉花謝茱萸紅姑蘇臺上
夕宴罷試問君恩何處濃館娃歌舞年年別寶
帶同心為誰結浣沙女子解捧心嫣然能使君
王悅人情反覆難重陳羞向君前更效顰轉眼
朱顏易消歇問他嬌寵能千春

思君恩

二首次唐人令狐綯士韻

錦樹散秋色羅衣怯夜霜君恩如昨日何事泣
龍陽

買賦黃金盡傷秋白髮多更思前日寵玉輦幾

經過

古別離

明月照我惟涼風透窓紗相思對孤燭敲斷雙
玉釵叶君子美如玉十年九辭家戚戚懷遠遊
長年披風沙昨夜夢同衾醒復天之涯含情欲
誰訴忍淚徒自嗟日月亦易逝冉冉赴磐蛇及
至君歸來妾非舊容華

塞下曲

十五始裹頭為國戍邊州百戰屢奏捷十年不
封侯古來李飛將命也誰怨尤中夜耿不寐燈

下江吳鉤

遠將歸

昨夜燈花結今朝雀聲頻行子萬里至十年念
悲辛雖然作客好不如在家貧作客苦長別在
家常相親不見門前兩楊柳青青幾時蕭索久
莫重黃金輕別離轉眼風波堪白首雙鬟重整
待君歸鏡裏朱顏未衰朽百年偕老君莫違免
教人笑宕子婦

當窻織

去年織布纔輸官及顧身上無完裙今年織布

未成匹縣吏催科時打門古人取一以緩二何
意如今併民利十室看來九室空坐令父子遂
相棄草蟲唧唧依來憐天寒催織無停機婦姑
相對暗垂淚明年輪官慎勿違

塘上行

蓮生我塘上花葉何其稠移根太液池雨露既
溼優西風一夕生繁華難久留紅白相倚恨落
月寒波愁物情有盛衰人事能無休與君結髮
日兩情如昨鳩一日遽別離恩愛生戈矛衆口
解鑠金棄置非君尤願君采葑菲無以下體求

嗟妾常苦悲憶君昔綢繆諒非二三德言念妾
白頭

懊惱曲

春來庭樹啼兩鳥秋缸相對眠雙鳬惆悵人生
不如物空芳落月照影孤君若清塵妾濁水朱
鉛久謝形容毀一生寂寞綠窗中十年歌舞青
樓裏寶篆少婦鳴錦機富貴不忘炊爨麥古人
往往有如此今人不迨徒相思光陰如流君不
惜萬恨千愁日應積百年身世將何從不如速
化山頭石

有所思

西方有佳人容顏凜冰玉素蓄窈窕姿內政亦
雖肅纖纖擢素手當戶理絲竹我思往後之高
居遠河曲欲渡川無梁欲御車乏輻思將覓夢
歡願挹此清淑反側寐不成我心轉撈撻心思
誰代宣寸腸轉雙轂安得同車歸貯之黃金屋
君不來

送君江頭把酒盃謂妾不久行當回憶君去時
兒在腹兒已能行君不來君不來誰與君登高
引領空躊躇不知君意何南北前日逢人徒寄

書

吳鈞行

吳鈞重千金自與常劍別光射牛斗寒氣迸山
石裂無事且斂鋒小試不屑屑我曾請上方尚
帶倭臣血

團扇詞

團扇團且潔不污亦不缺用舍惟其時行藏比
賢後寄言漢宮人何須中腸熱

宛轉詞

宛轉復宛轉宛轉局云已寸腸日九迴寸心日

千里君知否不知君心胡不爾

楚妃歎

章華臺上燈交輝君王射獵雲夢歸六宮歌吹
連夜發衆中獨愧無樊姬

大堤曲次唐人楊巨源韻

大堤堤上誰家女高敞紅樓傍江渚南商北客
皆攏船兩兩邀郎笑相語池亭五月開新荷烹
鮮斲酒意氣多清歌妙舞翻紅袖銀燭金盃映
翠娥風流不落秋娘後搗箏每露春葱手迎新
昨日薦櫻桃送舊今朝折楊柳不謂興衰反掌

閒鏡中憔悴泣雙鬟一朝嫁作商人婦滿目風
波非舊顏

玉堦怨

秋晚步玉堦後宮已無暑捲簾看雙星含情獨
不語

金井怨

佳人照金井顧影影在水憔悴不足悲
可耻世俗憐朱顏誰知寸心是每恨亡國姝墜
井曷不死

俠客詞

英雄不作書生腐一心事奉念君父酬恩一劍
光若虹結客萬金散如土羞為狗盜客孟嘗一
生不宿邯鄲娼慷慨頗學魯連子豪俠遠過杜
李良昂昂意氣摧嵩嶽坐使奸雄膽俱落由來
義重生可捐壯士何曾懼鼎鑊生不成名死則
烹荆軻徒上秦王庭男兒一死貴得所千秋青
史能完名

古宮怨

妾年二八顏如玉不用朱鉛闢粧束一身曾擬
當三千君半貯我黃金屋內園勅賜霓裳衣樂

府教翻白翎曲宵征每侍昭陽寢春寒數共華
清浴結成天上比翼期不羨人間連理木晚粧
樓上始梳洗一霎中官幾催促時移事變不須
史掩鼻讒生亦何毒隆寵從來難久居班姬長
信吞聲哭羊車去去挽不來簪前羞擗鹽枝竹
長門寂寞幾經春百花輦路莓苔綠黃金不買
長卿文一飯君恩聊自足官家安否問監宮夜
夜焚香萬年祝

詞曲附

風入松

從大次填文靖公頗題常德公司
餘從和之以此道各懷

山人難睡酒初酣
笑我未投簪
西行去路經三
楚無限景
迤北征驂
楊柳風吹短
鬢桐花雨濕
春衫
遠山雲盡碧
於藍
野鳥更咿喃
羊城望斷
知何處
魚鴈杳
徒尔題絨
甚日棄官歸也
杖藜
山北山南

桂軒續稿卷之一終

桂軒續稿卷之二

五言律詩

次何都憲村居秋興八首

風墮爭枝鵲。霜乾抱葉蠅。
江村秋欲暮。茆屋雨初
消。病酒心常怯。斲詩思欲飄。
孤懷寄半落。大雅日寥寥。

江湖懸

北閨杖屨出東郊。落日照林麓。西風空燕巢。功名輕
似葉。行止咲非匏。我。被浮榮縛。何年共結瓠。

長林與不淺。虛室晝無譁。我欲薦徐孺。誰當退子
瑕。詩。惟前浦。兩人對短籬。花洛社。歸來後。能忘拜
白麻。

歸來鄉土衆。不記馬蹄忙。秋至菊浮蟻。時登粟滿
倉。百年心頭畢。一榻夢裏涼。寄語貪饕者。何須百
轉腸。

逢人問稼穡。觀曆感年華。酒熟邀鄰舍。詩成對菊
花。渚蓮經雨褪。溪竹隨風斜。綠野堂。明後高情詎。

未涯

野外秋光薄眼前詩思濃
耻居元亮後不學孟嘉
窮引水澆蕙竹開塲種木通
東華塵土客垂老尚
飛蓬

處處西風暮村村宿雨晴
山花停午落潭水到秋
清不歡燕然石何須麟閣名
江邊時獨立閑聽棹
歌聲

山中秋已盡林下日偏長
玉蕋潑醅綠礪盤剥蟬
黃芙蓉也宿露楓葉染新霜
坐領青蘋末徐徐一
味涼

弘治五年九月八日司空戴先生召諸公爲白
雲寺之遊歸途間張靖川有九日遣懷之作遂
次其韻十四首

故國逢重九登高望眼開此時堪適意落日未須
催莫惜題糕句休辭泛菊杯涼風吹酒醒騎馬北
門回

九日人皆愛我懷胡不開偶逢尚書召不待阿奴
催謾著登山我能忘曲水杯馬前歸路晚戴笠雨
中回

江郭三秋爽乾坤萬象開登臨不作樂衰白暗相

催寄與陶家菊縱情河朔盃我曹狂且醉好似習
池回

明日重陽至尚書小宴開酒緣知己醉詩爲菊花
催學士曾留帶高僧漫渡杯牛山何用泣一醉輒
忘回

來遊白雲寺袖拂白雲閒不減少年樂生憎落日
催山花紅入座巖樹綠侵盃誰識余心樂詩成馬
上回

重陽古寺飲百歲好懷開風景何須買詩狂不待
催山晴堪著屐令急莫傳盃猶問此行樂老年能

幾回

聞說佳辰近應憐笑口開只愁尊酒罄不覺暮鍾
催醉卧天爲幕狂來海作盃悠悠任蕭散羈馬月
中回

九日詩兼酒何須靖節家我情殊未已山路亦非
賒何處風歌帽禪房菊未花未冠今日會留與後
人誇

萬里長爲客重陽始到家偶然清興發不憚白雲
賒縱酒衰顏赤香山老服花狂來聊短述諸老莫
余誇

聚首何年約登臨到處家物華撩我賦村醪為君
餘馬足怯山徑衣裾刺草花宋公臨歲禹猶父使
人誇

仰臨千仞寺俯視萬人家目送南溟闊心懸

北關餘叅差臨水竹紅白隔溪花酷愛張吟伯詩工
不自誇

禪宮足清賞何必問仙家山色到門近泉聲遶澗
餘白頭羞落帽短札囊生花小杜詩堪咲徒將醪
酌誇

我趣孟嘉會且放惠休家興到詩三和尊空酒再

賒百年俸故土十載負黃花且盡今朝樂浮榮未
足誇

故人重九飲招我梵王家每愛粵鄉樂翻愁蜀道
賒今朝白雲酒來歲錦城花踪跡無南北功名浪
自誇

挽高生應奎

半度豈凡兒文章我所奇竟成長吉召采負甲科
期白髮堂前淚青鸞鏡裏悲不堪歌楚些臨楮益
凄其

賜閑爲韓長史先生作

未老先思退

君恩特賜還何爲開綠野吾不負青山蹤跡市朝外
身心泉石間悠悠百年內幾箇似公閑

寫懷二首

五十始衰時如今又六耆但償沽酒債不計買山
資水稻供饘粥園蔬當肉糜他年買歸棹所託是
娑嬌

萬里赴松潘孤舟別故園風波江上路兒女盡垂
言月色滿前浦鷄聲出遠村思家原有淚過嶼莫
聞猿

夜宿黃塘舟中言懷

十載天涯客風烟何處家
亂雲迷鳥道新張沒鷗
沙落石三叉路春風五嶺花
塵途成舊事未老翼
先華

獨客憂長路孤舟溯淺流
殘燈江上夢芳草雨中
愁野火明山郭寒更出驛樓
吟囊今易滿風景是
詩鈞

雨夜

風雨起中夜寒暄變一時
不愁阻行路或恐是催
詩袖丰涼如濕懸燈坐若癡
再三思樂土何日是

歸期

宿胥江

南江朝發棹胥浦晚維舟漁火隔溪暗居人傍水
稠五更殘夢後百慮寸心頭跋涉天南北能無愧
海鷗

舟中偶成

泊舟古祠下隨處是胥窩山暝烟光合江空月色
多觀書添睡思飲酒助詩魔且莫懷吾土其如久
客何

宿江口巡司

畫舫駐江口孤村欲掩扉風顛林木撼山腹野雲
歸燈火舟人語關譏邏卒稀客懷殊不惡高興賦
無衣

長沙道中

迢遞長沙路稀疎粵海緘晚雲屯岳麓春雨暗
潭風俗逢人問方言到處請莫因鄉土念流淚濕
征衫

謁賈太傅祠

萬里長沙謫一封流涕書先生今廟食宣室久
虛大塊文章在荒祠歲月餘無情是湘水何必吊

上閭

益陽公館

借
湖南道空堂坐二更忍聞粗賦重獨愛
清心
多繁絳燈花半滅明詩成方就枕聊以
吾情

宿新驛次題壁韻

一宿借新石孤舊坐未闌燭花時灑淚雨氣女生
寒豈意重臨憲何才五徒官祇應賦歸去竊祿詎
能安

駐節山中驛行踪水上萍微寒生枕帶急雨打窗

橋路僻書難達更長夢易醒計程西蜀道七十二
長亭

鄭家驛次沈提學先生題壁韻

幾時銘劍閣昨夜夢刀州曉樹長籠霧春泉不斷
溪猿聲招客淚物色故吾留枝殘輒題句何如趙
倚樓

初春辭穗石首夏過湘川離別剛三月親知各一
天林深多虎跡地僻少人烟日落頻回首鄉關何
處邊

界亭道中

一月馳車走方知作客難
林深鳥性悅路遠官情
閑羸馬憂泥滑單衣怯
雨寒此時正愁絕莫憶
漁竿

便溪道中

日日郵亭路年年異國春
頭顱多白髮吟袂半緇
塵水鶴聲聞野山花香
趁人故園千萬里何處
問情親

沅州道中

驛路高還下肩輿側更
敬不堪泥徑滑應念僕
夫疲雨溢河流急山高
日色遲誰云無况味物
物足

供詩

沅陵道中

去去沅陵道遙遙蜀水槎一身曾許

國萬里莫思家匹馬嘶風健雙旌卷雨斜客懷休作
惡無酒亦堪賒

平溪道中

風雨阻征途辛勤任老夫入蹤時減沒山色半糝
糊水闊來帆小天長去鳥孤不須成慟哭野趣足
娛吾

抵清朗

日午到清朗荒城半是山有苗從此格壯士枕
閑雨過溪花落風含石蘚斑愛他泉石深傳騎洗
塵顏

宿清朗公館

偶來山館宿獨客恨偏饒玉帳人迢遞青山夜寂
寥寒檣風淅淅簷竹雨瀟瀟起坐不能寢何由夢
鹿蕉

清朗道中遇晴

行止非人力陰晴問老天今朝堪着葛昨日尚穿
氈異域愁行客斜陽聞杜鵑此懷端可述崖石疊

鐫石

鎮遠分司寄宿

鎮遠且留宿偏橋謾計程
聒人蛙亂吠照我燭孤明
遠世一無累爲官百不成
雖然歸亦好

正龍未忘情

餘慶道中

餘慶蜀之邊風烟別一天
林深不見日樹密但聞蟬
險路山腰轉悲泉石罅煎
何如解官去尚能比窓眠

岑黃道中

走馬岑黃路詩應不費尋隔溪茅屋近郭竹村
深路曲盤山頂人勞息木陰驕樹應咫尺衙鼓正
沉沉

偏橋以抵白泥有見而作

楚蜀風烟接車書道路通花開紅躑躅山遠碧崕
峒比屋兵民雜居人習俗同年來寥落甚吾獨愧
觀風

渭潭道中

客路千山裏陰晴一霎間雨餘岩溜急春盡鳥聲
閑咲我詩才澁非渠物色慳檐頭猶有酒三酌壯

衰顏

鰲溪道中

何處問鰲溪風烟入望迷
碧雲山遠近芳草路東
西日煖曝禽翼沙乾快馬
蹄宦情何日了鷄狗亦
歸栖

湄潭驛遣興十首

獨坐日方永怡顏景頗多
晚雲低嶺樹細雨濕庭
莎鳴鳥當絲竹頽垣護
萬籬平生愛幽雅今日此
經過

遙指光陰速將相五月交
鳴蜩咽高柳古驛遶荒

邨山遠多良木溪深有老蛟好詩隨物得賈島賈
推敲

荒驛人來少頻年吏不忙砍薪出郭近接竹引泉
長下馬者誰子販鹽何郡郎此中聊憇息隱几納
清涼

信宿湄潭驛懷歸粵水居松楸徒有夢魚鳥久無
書去路青山外頽齡白髮初謾嗟名利絆進退亦
惟吾

泉石憐初志功名屬社年栢臺叨執法花縣憶鳴
絃夢裏看松桂山中怨鶴猿行藏須自識何敢負

前賢

只道爲官好，焉知行路難。
罷山排畫戟，危澗瀉繁。
湍泥渣疫，征騎塵埃暗。
法冠明當鮮，簪組歸卧粵江干。

虛語何蕭爽，奇觀未寂寥。
斫楠剝小艇，踰澗駕危橋。
溪味魚鰕少，山肴笋蕨饒。
公家猶在念，此興屬篇義。

持節飭邊戎，停車問蜀風。
山川三峽險，文範萬方同。
身懶常思退，才凡但效忠。
愁來須仗酒，一醉倚崆峒山。

客路何多雨泥途不可行
野花愁褪色山鵲濕無
聲布谷催春種斜陽報晚晴
明朝復何處身世一
浮萍

道路九千里市朝三十年
不堪心力倦都被利名
牽歸鳥投高樹游魚戀故淵
人生不如物垂老未
歸田

樓山坡

上下此坡難石多荆棘
殷幾經來往客真是利名
關風俗非吾土鶯花似故山
山靈休我笑

王事未應閑

播川驛閑坐

宦情愁獨客光景過三春
白髮不私我青山常對
人地偏塵鞅少日落鵲聲
頻人坐能忘此真成物
外身

次前韻

官職何須熱繁華獨厭春
十年淹俗吏何日作閑
人山水貽情遠松筠入夢
頻紅塵徒擾擾老却百
年身

九龍坡

獨客心何壯九龍坡自高
風顛猿抱樹人過雉藏

高我喜詩懷關誰憐僕從勞今朝持節過題石託
吾曹

驛舍偶成六首

驛對青山近門臨綠樹重簾條堪畫卧幽敞足詩
供溪靜水徧響天陰蝶也慵我来聊托跡猶未定
行蹤

蜀國山河罷吾人跋沙漠樹深啼杜宇林暝嘯山
魑野趣憑詩畫愁腸藉酒澆誰能會吾意吟眺一
相邀

半歲無書寄三春少鴈來恨無千里目看到五仙

臺影參差綠愁白家山籍夢迎宦途如此耳杯酒且徘徊

落日照林垆昏鴉集遠汀閑河夷險路風雨短亭辛苦罹寒暑光陰換炎萁粗耐身事了歸看山青

送舍山千疊當庭栢也株四時松坎景一幅輞川圖此地堪留客高情頗愜吾幾多遊宦者不識有詩無

日出陰霾伏天晴野色開地偏無俗客山遠有幽人蜀鬼催春苦奔泉激石哀悠悠付題詠只恐

詩才

客思

春盡思家切，年來出使頻。
叨居外臺客，長作異鄉人。
紫綬非吾願，青山是舊隣。
秋風不歸去，老却粵江尊。

烏江坡

遠度千尋嶺，空瞻萬里家。
畏途旋鳥道，惟石豎猿牙。
綠樹飛殘雨，丹崖映斷霞。
斜陽增感慨，步步是天涯。

只道崖門險，烏江復過之。
鳥飛猶畏墮，馬度每驚

危懷慨玉尊志艱難杜老詩備嘗此中味平地好
深思

安穩驛夜坐

小驛鳴宵柝空堂泣暮蟲千山孤月白四壁一燈
紅客睡何曾着宦情應亦慵此時心欲折誰道我
詩工

月色留人坐燈花結客愁家書長不達鄉淚莫頻
流鷄犬孤村靜溪山萬嶺幽此情當此夕無計可
消憂

晚發綦江

昨來初駐馬今日復登舟
新水瀕沙岸斜陽入舵
樓酣吟詩作伴不飲酒
爲讐明發知何地江津天
際頭

綦江道中

故國長牽夢征衣半染泥
風烟愁遠道飢渴奈深
閨澗草長書帶野花開
疾藜物情有如此短句促
吾題

永川言懷

粵客易生愁他鄉萬里遊
一身難似鶴百計拙如
鳩驛路蟬鳴夏山城雨
醺秋此懷誰復慰佳事在

青州

中秋雨夜書感

秋色平分夜寒堂獨坐時松州萬里客穗石十年
思雲重月輪沒風狂燭影欹欹尋天柱賞誰是趙
知微

重陽遇雪三懷

九日黃花節孤城白雪寒望中山色敗松杪葉聲
乾葉聲催秋暮芳樽負菊餐餐無味達此日誰與盡
清歡

宿茂州

此地連三宿長吟對一燈悶懷傾白酒凍足誰青
綾煮茗爐添火濡蒙硯結冰思家值長夜百慮坐
相仍

松州寒食四首

寒食千山雨春風萬戶烟風光非故土身世在窮
邊舊塚孤穿穴新墳婦哭天無端增客恨目斷岑
山阡

三月古松州春風亦似秋天涯遊子淚寒食異
鄉愁麥飯思先壠棠梨憶故丘浮名還自累歸計更
誰由

寒食又清明偏傷粵客情
悲哀聞寡婦寥落佳孤
城雨洗山松淨風搖隴麥清
西隣且沽酒微飲醉
還醒

十月荒城往三春故國思
不堪寒食雨偏助旅人
悲節至那無酒囊空願有詩
天涯牢落甚獨坐對
癡兒

過新堡子

新堡今再過吐番一何多
播石據危嶺弯弓射隔
河將軍每示怯戍卒欲請和
封章達

明主征伐揮天戈

五言排律附

遊寶陀寺十四韻

昔名寶陀寺今扁小金山我輩曾三到東坡不
再還樓臺張錦繡松竹列屏藩天地浮孤島風
烟盡百蠻幻身疑水木佛相鏤沉檀何處逢圓
澤閑雲伴懶殘粉墻藤蔓合盡壁土花斑去鳥
春帆外孤村夕照間野僧忘俗扮佳境在人寰
素乏三生約聊偷半日閑誰尋白蓮社我愛綠
蘿關盡日窮幽討何年擬再攀昔賢留景待而
我咲才慳草草題詩去深慙句未安

桂軒續稿卷之二終

桂軒續稿卷之三

七言律詩

次顧別賀擬歸韻四首

歸來舊業任從容
數畝湖田一掌宮
溪上送人青雀舫
山中飲客碧荷筒
家山久念荒蘿菊
猿鶴重來識主翁
三徑想公行樂處
杖藜徐步夕陽中

清時組賦來歸泉石膏肓願不遠林下縱情
詩與酒道傍疑我是耶非綠楊門巷迴車輒紅
蓼汀洲認釣磯更問市朝名利者不知誰息漢
陰機

五羊城外泛歸舟知尔從今釋百憂千載喜逢
明主聖一官何事壯年休機關眼底應先識進退
胸中已熟籌宦海不堪回首望風波白盡幾人
頭

公未白頭先勇退一身輕却也便宜獨嬾裴度
相唐久敢道淵明去晉遙嶺海風烟閑裡夢南

陽山水畫中詩科頭跣足青松下
笑我歸期未
有期

登粵秀山次霍東臯先生韻

雲巖石磴幾千層策我青驄快一登
陸賈功名留太史趙陀興廢問山僧
萬年大塊眼中盡百
首新詩醉後增
薄宦獨慙諸
後步塵冠何日濯
溜澗

遠步高臺寂上層眼中豪氣逼陳登
百壺遣興到斜日一咲忘歸值野僧
嶺海詩名推獨步洛
陽紙價爲誰增
乾坤處處皆行樂
翻咲前賢不

渡瀝

青山翠律舊雲層詩社諸賢拉我登十載功名
真似劇百年塵俗不如僧尊前浮白興非淺開
裏看山句倍增此地從來堪適意笑他冠蓋會
於瀝

著屐嬉遊第幾層老年曾憶少時登武王霸粵
終朝漢韓翦留衣也愛僧東石人閑千日醉江
湖身遠百憂增興來三復歐陽句酒潑浮醅綠
似瀝

月溪為李宗賜題次鄧藻舟韻

月色溪流萬派秋山人坐頰足銷憂鹿門已共
孤高興牛渚何須汗漫遊波印水輪同上下影
翻銀浪自沈浮此情此景知誰會我復絃歌着
一舟

偶成

春半江南尚北風宦情離思兩相攻魚沉碧海
鄉書杳鳥沒青天楚望空萬里閑河勞跋涉百
年身世信窮通狂來欲飲無多量三酌茅柴也
面紅

夜泊橫石磯

橫石磯頭繫短篷。數家村落寂寥中。江雲作暝
千山暗。野火連岡。幾處紅。客況。勝。憐。阿。子。鄉。
音。燈。下。語。家。童。愁。來。謾。擁。青。綾。坐。看。取。囊。中。寶。
劍。椎。

夜宿黃塘舟中言懷

一宿黃塘值雨天。坐披絨褐愛輕便。眼前喜我
有詩料。囊裡復他無酒錢。故國鶯花牽客夢。異
鄉春色惱人眠。更將底事消長夜。翦燭閒看抱
朴篇。

次洪憲副宣之夜坐聯句韻

盡省同官不偶逢晚衙初散一尊同韭芽入饌
寧無肉餽掌供餐也勝熊銀燭送闔來隔座玉
臺傳漏出深宮丈夫四海後來志莫笑扶桑謾
掛弓

翦燭西堂共倚紅騷壇今夕仰麾幢雨寒苑樹
爭號鵲風墮簪花起吠石鼎新聯栽蠟紙金
盤舊釀出銀缸宦途未擬歸休計徒夢溪山步
小砭

咲口偶開能幾逢坐談今古過宵鍾寒風颯颯
聲依樹涼月娟娟影在松老我詩篇渾潦草看

君才調草九庸青算共酌無餘瀝安得酒泉重
請封

詩囊羞瀝酒為媒十酌催詩亦樂哉
聞奏角十年燕市夢尋梅新知
五夜秦城

闕下聯官署舊宅山中長兩苔公暇便趨文字飲
我生何必訪天台

再次按察司題壁韻

楚水孤舟蜀道車忽驚花鳥又春餘十年骨肉
長拋別岸紙功名任卷舒幾時變通方舉易耻
隨流俗幸知書等閑愛殺江門老竹枝行吟信

所如

過大庾嶺

大庾經行謾記春
眼看花柳幾番新
不辭白髮猶為客
只恐青山也笑人
去馬來牛南北路
風餐露宿利名身
霎時便是西江境
橫浦橋頭又問津

醴陵道中

行盡萍鄉是醴陵
地分吳楚控蠻荆
觀風到處長留眼
著意香山每問名
夾道野花紅間白
觸人詩思景兼情
明朝又過王相路
茅店山橋送

客程

客途漫興寄黃汝章貳守

客裡光陰屬暮春鄉書

朝報兩無聞千山寂寂鳩啼雨萬壑陰陰樹拂雲
今日吊湘還有賊他時諭蜀豈無文長沙鄒重
逢知己翦燭論心到夜分

桃源分司次沈仲律先生題壁三首

驄馬行行賸蜀都王尊高興可能無路絳金甌
吟懷壯書絕三春望眼枯忤世也知緣性僻病
身端不為詩壘且看一派湘沅水沒盡春江百

尺蘆

登山臨水與悠然安得閑行作地仙
千室歌謠堪我採十年適稅肯民蠲
長途幾月勞筋骨重檐何人任背有
去去不須簪月卜始將行止付蒼天

十里肩輿又渡江江晴沙暖燕飛雙
楚山花來詩堪寫蜀道風波志欲降
野哭村春聞北望涼天高枕憶南窓
桃源館裏停車晚坦腹膝來定
抱杠

過桃源次沈仲律韻

桃洞風烟慘不開昔人可是避秦來
蕭條桑竹無鷄犬荏苒山石非但草萊
江邊漁父不重到世上神仙莫浪猜
人事興亡今又古夕陽立馬重徘徊

宿山塘次題壁韻

驛館寥寥半壁燈可堪獨坐想平生
惱人無賴狂風雨羈我不開虛利名
舊事十年孤枕夢新愁一種百蟲聲
客懷展轉不成寐又聽邊樓殺五更

龍陽道中

終日山行入品題萬峯壁立與天齊白雲冉冉
生衣袂亂石峽峭割馬蹄古渡橋梁春漲沒深
林風雨畫猿啼此情此景堪圖畫何日重過信
伏藜

次簡宗敬題郵亭壁韻

朝來解艇渡江沱翹首長州路尚賒送雨溪雲
千騎合舞風江柳幾株斜時時望

關心何壯處處看山眼欲花沽酒郵亭拚一醉不
知身在楚天涯

偶成

作客天涯長苦辛
子規聲裡催殘春
溪花欲放苦遭雨
山雉不飛長避人
才高也被造化忌
詩惡不為吾輩嗔
世事須知乃如此
風波叢裏先抽身

過馬鞍山

昨過牛欄今馬鞍
峻嶒石磴費攀援
深林蔽日晴猶濕
古木生風夏亦寒
擊楫長淮如昨夢
登山全楚是奇觀
岩前少憩停車音
愛殺松陰五里村

栗子嶺在沅州四十里

衆嶺嵯峨千萬尋，肩車乘我快登臨。
眼前數點青山小，足側千岩碧樹深。
奇怪可能摩詰畫，形容容須倩謫仙吟。
啼鶯催得殘春去，又聽疎林變夏禽。

宿晃州驛

風遠疎櫺雨洒燈，孤懷只合醉騰騰。
廿年有病長爲客，萬里無家亦似僧。
離別未忘兒女戀，踈慵添負

寵恩承分明一枕，還家夢苦破隣鷄。
又喚醒

相見被去鎮遠三十里

上盡高坡復下坡下扶青竹上捫蘿乍看世上
坦途少便覺人間險路多遊子可堪行靡靡鵲
鳩休更喚哥哥經過此地名相見其奈鄉關不
見何

望城坡去偏橋十里

望城坡上望偏橋城郭差參物色饒千澗浮花
春永碧萬山推翠曉烟消利名客子來還去風
雨鷄聲莫復朝今日登臨重回首鄉關遙遠雁
書遥

宿偏橋驛

兩宿徧橋剛雨夜異鄉孤燭合竟消阿兒頗解
寬離索婢子猶能慰寂寥邊城此時頻擊柝山
城何處更吹簫助跌久坐渾忘睡安得繞愁酒
百瓢

小腮坡

小腮坡長誰尺尋我趨全蜀此登臨鳥啼白日
千岩靜人度青林十里陰泉聲汨汨自朝暮山
色年年無古今詞客不知曾幾過天教留與助
清吟

跌驢坡

持節侵晨度此坡長林豐草險偏賒老松倚壁
盤龍爪亂石當途列甬牙崖蜜採晴花作食山
禽投暝樹為家跌驢客子今何在瘦馬嗟馳我
復過

崖門坡

小腮過盡度崖門萬木參天白日昏石磴嶙峋
春雨滑碧石迢遞濕雲屯當年孝子應迴轅今
日孤臣合斷魂何事區區不歸去消埃曾未答
君恩

宿湄潭驛

我來古驛懸燈坐誰與芳尊對酒歌未許孤臣
歸嶺海且留雙眼看岷峨英雄幾曲少年子富
貴一場春夢婆娑謾想平生渾不寐老益時醒睡
中魔

仁水道中

溪色山光雨後新也無巖嶮也無塵萬竿脩竹
深藏鳥幾樹野花紅媚人杜成功名慚潦倒故
山歸計咲因循湄潭過去經仁水蜀道觀風定
幾旬

燈下口號

西蜀乘馳按八蛮，籌邊經畫愧才慳。十年閑處
常忘寐，一日閑時即看山。驛館幾宵兒對語，鄉
關何日菊怡顏。逢人莫說投閑計，直到歸休始
是閑。

永安道中

平林過盡又山坳，三五民居覆短茅。春漲沒橋
人待渡，夕陽穿樹鳥歸巢。擔頭藥裹長防疾，囊
裏詩篇漫解嘲。荒驛歇來天又晚，看書初月上
松梢。

曉發播州

客子始醒孤館夢山城又聽五更鍾鷄聲送曉
窓生白風氣穿櫺燭蕩紅道上清塵嘶四牡車
前黃紙護雙龍如今蜀道平如掌不數相如買
弩難

清波三坡

仰面看興下上攀千尋石磴萬壘山行人負荷
長揮淚壯士驅馳亦慘顏冉冉歸雲孤島外翻
翻去鳥夕陽間從來四海男兒志何必區區蜀
道難

桐梓驛書壁

驛館荒涼綠樞戟驛門長掩兩苔班時時野鳥
撩人樂日日溪雲伴吏閑一夜思家添白髮十
手繫祿負青山明朝又說經松坎曲徑長坡在
在等

松坎驛端午

五月雙旌度夜郎又從山驛過端陽青螺丹荔
思吾土野艾溪蒲非故鄉旅邸有詩酌令節官
厨無粽療飢腸日長清坐成寥落滿耳鶉聲漫
自傷

安穩驛次孫憲副過九盤山韻

西蜀奔馳萬里餘
粵南回首在天涯
九盤磴道狼牙滑
滿目風烟鳥道斜
祇恐山靈識白髮
未嫌塵土撲烏紗
可堪情景俱吾會
點檢詩囊幾首加

看興一霎度層岡
思欲振衣心未遑
望

閱直窮千里目
思鄉欲斷九迴腸
謾憐我輩身多病
獨喜吾民歲屢穰
比去綦江應不遠
凌晨呼僕束輕裝

安穩道中

戒曉星輶度翠微
不堪野霧濕征衣
長橋跨澗

水千尺古廟依山樹四圍
愁我峴崎坡上路愛
他瀟灑竹間扉前程去去知何許
啼鳥聲中又落暉

九盤山

王節煌煌此地來攀援今日欲心灰
崇岡九轉羊腸險危磴三驚馬足
頽山霧障天時作雨野泉奔澗
日鳴雷始知蜀道難如此不是王陽亦擬回

東溪道中

歷險攀危不憚難眼中風景足盤桓
兩山夾澗

泉聲響一徑穿雲樹色寒出洞竅音如鳥語巖
崖古木作龍蟠人生若不遊西蜀爭識乾坤此
大觀

梁天人哀挽代董憲副作

獨憐德耀配梁鴻聞道閨門更肅雖教子詩書
成偉器薦蘋宗廟想遺容班衣謾漬當時淚手
線猶存舊日縫

鳳詒重頒

天寵在龍光偏照隴山松

陸贄墓

興元天子甚倉皇內相殷勤佐廟堂仁義百篇
唐孟子文章千古漢賢良忠州白骨神靈護信
史芳名日月光早識盧裴真小輩先生歸去卧
滄浪

張飛廟

榮辱存亡共豫州欲將僭竊問諸侯山河百戰
公無敵事業三分死不休漢室未忘忠貫日嚴
顏竟釋義橫秋孫曹未滅身先殞其奈皇天不
祚劉

德陽分司題竹

川西道側對此君六月雨洗無塵氛獨憐勁節
不受暑肯羨長竿能拂雲如簣可比衛武德辟
俗見重東坡文紛紛桃李盡與伍留伴烏臺水
玉人

次童都堂題葉棠壁韻

草木先秋漸變衰小河端的是邊陲四郊漠漠
慙多壘雨鬢蕭蕭剩有絲落日斷橋人過盡悲
風遠道馬行遲粵南桑梓知何處地角天涯一
夜思

次童都堂韻又一首

兩鬢如霜力未衰又持黃紙到荒陲馬前落日
穿林麓暑後悲風斷柳絲取謂甲兵期小范欲
將農圃學樊遲十年未獻安邊策今日徒懸補
衮思

到松潘

路入松州別一天亂山迢遞盡狼烟雪欄巔峻
秋飛電風洞閑寒夏着綿萬里江湖徒戀
闕十年心事費籌邊馮誰寄語生降虜今日
皇威遍八埏

復次前韻奉答白叅戎

百戰三邊氣不衰，久持旌節鎮東陲。
茅堆敗虜心逾壯，煙閣論功鬢未絲。
老我豈期今日會，識君猶恨十年遲。
望山閣外明朝別，倚柱停雲幾度思。

為李總戎題畫二首

萬里江山入綵毫，碧岩迢遞白雲高。
七賢林館猶傳晉，五柳村莊不姓陶。
連浦夕陽蓬去鳥，斷橋春水度輕舠。
披圖今日忘名利，高枕令人懶費刀。

寄傲雲泉一丈夫，清時巢許是吾徒。
坐觀山色

心何累繁頽春風興不孤瘦歲啟看新甲子掃
門惟愛舊矣如功名老我不歸去羞向厦門詠
此圖

雲山清樂卷為胡主事為尊題

未及衰年便掛冠先生原不負青山長竿野艇
江湖外黃菊清樽杖履閑香雅堦前調鶴舞阿昆
天上侍

龍顏科頭熟睡三竿日無夢市朝鴛鴦班

中秋雨夜書感

旅館中秋值雨時松維城上黑雲垂千家閑寂

無絃管獨客淒涼剝別離月色已孤終夕望賞
心又是隔年期故園此夕知誰在酌酒何妨更
賦詩

九日值雪言懷

孤吟客子傷秋暮九日行臺見菊稀
蔽野東雲連朔漠
醖寒微雪洒旌旗多情破帽龍斑鬚
何處空樽望白衣
竊喜天涯身健在幾時絃管醉
東籬

草廬三顧

萬古乾坤此卧龍
王孫三顧走隆中
儘多伊呂

興王具剩有湯文下士風平戴君臣茅蓋會兩
朝經濟霸王功欲知丞相平生事都在開誠與
布公

又

草廬傾蓋咨長策炎燼重然漢業昌去就功名
方管樂指揮帷幄失關張祁山斬將風雲暗渭
水七師日月光不是將軍頻枉駕載歌梁甫老
南陽

漢昭烈祠

英雄用武都無地誰道召王大有為三顧南陽

賢哲出一麾西蜀帝王資中原百戰徒爭長正
統千年更屬誰天若祚劉應混一高光功業定
相期

初冬感興

萬里邊城歲始冬淒涼天氣雪無風寒膚起粟
毳生凍鐵硯成冰筆退鋒鄉土有懷書信斷官
租無秫酒瓶空向來頗喜邊烽息公事無多案
牘慵

冬夜寫懷

此夕陰雲欲雪天阿奴先我擁衾眠灯前炙硯

研微墨醉裏裁詩愛蜀箋身世每慙彭澤令盤
食長憶粵河鰲故園兒女頻翹首道我歸休是
甚年

夜坐偶成

旅館秋宵獨坐時眼前誰是舊心知斜風細雨
愁滋味白水青山遠別離邊徼未寒西賊膽鄉
閑先動北風思尊前三酌茅柴酒和得淵明幾
首詩

夜懷

夜寒偏是苦更長反側不眠思故鄉三唱早鷄

孤館月數聲殘角滿城霜家書不到雙魚斷天
地無情雨鬢蒼松菊別來無恙否想他應未主
人忘

疊溪道中

新盡維州舊日邊偏橋歌隄朔風顛病軀自覺
生寒栗凍手時驚墮馬鞭兩鬢霜華猶故態三
邊使節又頻年諸番今日安耕耨閑殺將軍十
萬弦

春雪

松州三月一尺雪山城十日一日晴蜀人忍耐人

冷北山慘淡南山明邊兵無著春衣薄土俗
先占秋麥成此事可愁亦可喜呼兒酌酒聊
爲情

松州分司遣懷

人生隨地可徜徉莫道松州是異鄉忙處不如
閑處樂老時方憶少時狂壯觀每喜青山近高
卧堪供白日長若得

聖恩憐朽拙歸舟三峽趁秋涼

桂軒續稿卷之四

四川按察司副使番禺江源一

七言絕句

蒲石為李僉憲題次李先生若虛韻

拳石誰栽幾葉蒲無端生意滿新圖炎涼不改
此青碧百草叢中獨丈夫

青青獨羨水中蒲誰倩良工寫作圖也無塵俗
也無色留待山窓伴老夫

菊花次李先生若虛韻

此花不是故開遲
羞與百花同一時
留得中和天性在
凌寒猶放兩三枝

題梅花卷

百卉千花不敢先
歲寒丰度獨清妍
江湖一枕羅浮夢
兩袖氤氲月滿天

次臨江布政分司題壁韻

春虫唧唧枕邊聞
衾冷還憑宿火薰
可奈思鄉眠不穩
坐消殘燭夜初分

翦燈雨館檢書看
今古關心事百端
若得歸休

是真樂山中何必煉還丹

再謁張文獻公祠五首

唐祚安危三百祀韶陽祠廟幾千年
問公底事能如此功德從來解格天

王猛預知淝水敗子胥先見越兵來
三郎倘納先生諫安得鸞輿駐馬嵬

丞相祠前風度樓重來駐馬仰前脩
問他偃月今存否過客當時也合羞

唐史大書賢相業粵人長祭曲江祠
嶺南後學師前輩山斗千年更萬禱

丞相當年數犯難
龍光天子等聞看
乘輿西狩
艱難日悔不先誅阿衡山

松州時事

百雉孤城萬仞山
邊烽無警戍兵閑
安危倚仗
尋常事為報將軍莫破顏

萬里邊城草木春
我來遭際太平辰
鎮松樓起
籌邊廢誰道今人讓古人

周遭山色護松城
萬井烟花老眼明
幸甚諸番
樂耕耨吾徒容易莫談兵

邊境雖安敢忘危
四時旌鼓豎旌麾
更聞細柳

將軍令壯士懷歸不敢歸

釣魚圖爲李總戎題

長竿短笠心自如此翁取適兼取魚人間理亂
都不管醉來獨笑醒三閭

又

日日垂綸坐綠苔江湖鷗鳥莫相猜翻嫌白髮
潘礪者擲却漁竿牧野來

采樵圖爲李總戎題

腰斧深山遠斫薪擔頭風雪竟忘貧歸來賴有
齊眉婦不似區區漢買臣

又

遠道樵蘇何處翁
萬山花水自青紅
聖朝不用知名姓
留得閑身伴葛洪

漁翁

獨釣無名百慮休
綠蕪新水舊磯頭
時人莫訝無真趣
占斷長江萬里流

唐馬圖為房參戎題

原野秋風首宿殷
奚官執轡出天閑
驅馳記得開元日
曾後汾陽破虜還

毛女圖為房參戎題

櫛葉裁衣兩鬢蓬萬山芝朮自春風阿旁歌舞
成何事誤掃蛾眉事祖龍

又

十二峯頭度比身山中花木萬年春同時金屋
知誰在回首山河不屬秦

又

脫却宮衣著草衣雲泉便與世相遺山中女伴
渾無事共說奸諛指鹿時

又

玉體生毛可是仙餐霞食柏事長年莫思舊日

樓房寵闕盡滄桑幾變遷

閑坐書懷

千年宇宙皆吾事萬里乾坤到處家
坐看滿城絃管沸松州猶未是天涯

雪前風起千山白雪後天晴萬仞青
滿目恍如生色盡尋芳何用出郊坰

漫興

東風搖翠鳥綿蠻春色遍城亦不慳
借問比春還有幾些驕騎馬看青山

客懷

兩年不見故園書可是江南無鴈魚總爲停名
淹歲月天涯愁絕又春餘

謁閔雲長祠 二首

萬人之敵國士儔報曹高誼終歸劉天若祚漢
公不死區區陸子安能謀

公生封侯死廟食高堂香火垂千年試問孫曹
今在否三分陳迹委寒烟

春日漫興 二首

松州三月東風煖雪釋千山水漲溪莫謂天涯
春不到粉團花發鶯鶯啼

青山遶郭水穿城草綠天南萬里情幾度寄書
書不到東風吹淚欲沾纓

客舍遣懷

肅清堂上面青山草色花光悅我類案牘了來
無俗客閉門高卧強加餐

同李總戎遊大悲寺

仙梵嬉遊半日陪岩前金碧映樓臺好山入眼
看無盡他日携樽擬再來

桂軒續稿卷之四終

桂軒續稿卷之五

四川按察司副使番禺江源一原著

五言古詩

過大庾嶺登文獻祠十八韻

策馬度庾嶺復登文獻祠
宇枕石壁山水爭
獻奇鳴禽當綠竹
古栢羅塔墀
路人拜遺像幾
百年于茲唐陵十有八
翁仲委蕤藜何如此祠
久天地與等期
我特肅敬心再拜
瞻公儀憶公

抱忠梗身佩唐安危齊名宋廣平遠過姚元之
千秋上金鑑十度抗直詞風度動人主先幾識
胡兒功垂開元日人望貞觀時一曝十寒至楊
李相因依釀作天寶禍漁陽夾鼓繁君王走蜀
道公言方見思嗟哉邪間正自古皆如斯拜罷
出廟門去去從此辭馬上重回首巔樹寒風悲

松州即事四十韻

松潘何崎嶇藩屏我全蜀城郭半據山山椒戍
兵屋瓦壘入望遙金蓬插天綠時候絕氛祲天
氣頗清淑風洞迤邐來雪欄似堆玉偏橋起冰

崖險徑傍山麓分水灌兩河如雷震坤軸孤城
限番漢諸羌別生熟閭閻列蜂房郊野屯蓄牧
秋冬重雪霰春夏少溫燠水寒無嘉魚地凍乏
美穀小麥但荒荒青科亦或或粉團豈奇醃圓
根當嘉穀號風饒長松辟俗鮮脩竹春到不聞
鶻秋來亦無菊犍牛日鬻市井松氣披馥男女
乏禮度頗似鄭衛俗不識耕織勞但羹食與服
胡爲出納地玩法紛馳逐觀風費督責中心亦
慚惡誰爲哀寡妻我復念我獨東西南北人百
貨比輳輻茲土雖靡產躬鮮足水陸守戍十衛

兵輸挽列郡粟奔走日久勞能不起怨譴羌婦
出負薪羌兒亦販犢碑礫飾辮髮銅鐃喜粧束
羶被長覆頭棉袍不掩足碣房散以居羊髀炙
而卜禦寒布檢毛交易契刻木乳酪供茶湯饌
巴代體粥聞此惕我心見此眩我目篝邊經年
廢鎮松倚雲矗青李遠千載孰可繼芳躅

恩威仗

明主紀綱賴吾屬大將號令明偏裨亦整肅無數
胷中甲豈但十萬鏃如日麗天中傳語十五族
我行且撫綏不忍致窮黷母絕大羊性母肆虎

須毒從此須革心享茲太平福

除夜客中寫懷

今夕是何夕歲除逼青陽兒女憶去年爭飲屠
蘇觴今年客松州孤燭照淒涼填胸愁百種驚
心曆一行輾轉不能寐起步東西廂寒風颭颭
來透我征衣裳徘徊復隱几能不思故鄉思鄉
清淚滋逢春白髮長作宦雖云好宦海風波仕
不如賦歸去濯足歌滄浪

客中清明有感

冷烟禁寒食雨雪逼清明在客每悵悵誰與把

先塋長兒代拜掃
幼兒能慰情
問我曷為耳
無乃牽功名
蜀粵隔萬里
舉日愁易盈
况復聞寒婦
哀哀哭荒城
如何不興嘆
四海皆弟兄
何時解官去
得遂桑梓情

四月二日邀李總戎郊行小酌

孟夏日始長
邊城雨新霽
川流蕩晴綠
峯岫靡昏翳
我事亦頗暇
邀公一遊詣
憲節聯旌麾
笳鼓亦嘒嘒
半日恣閑散
名園堪一憇
山肴勝羔羊
溪魚當蛤蠣
數卜酌賓主
兩頰醉晉車
緩緩歸涼風
拂羅袂

桂軒續稿卷之六

四川按察司副使番禺江源一原著

七言古詩

題劉氏雙節卷

西山高兮章水東
婦姑之節將無同
少年兩兩喪所天
誓死靡他無赧容
民彝天理不虧缺
百年寧計身之窮
坐撫孤兒至成立
後來食報何其豐
挑燈細讀太史銘
乃知雙節始與終
嗚呼

婦姑之節有如此栢舟安得專清風

寄庵為黎景陽題

萬物寰中我一物寄生天地如蜉蝣百年光景
一瞬息至人已矣曾不留彼美人兮契斯理非
狂非狷達者流有庵曰寄在人境棲遲偃仰何
優悠庵云庵云大如許不假班郢手不用土木
脩不為寒暑變不為風雨愁此庵一逆旅無乃
亦傳郵美人此寄跡吾心復何求一生存省忠
與孝四時寒暑葛與裘仰觀一世如一日樂天
知命夫何憂寄庵寄庵云尔笑乞墻登壠寧知

休鍾鳴漏盡亦何益回視百年同土丘我作寄
庵詩寄與寄庵子聊以示世人貪饕亦徒耳

題梁都堂太夫人哀挽

淑人懿德婉閑雅名家毓秀敦詩書伉儷如賓
互相敬倡隨高節雙璫璣兒已

明時作台輔合膽之心今不孤毋儀婦道兩足
法又何愧為女中之丈夫先生梓里重

對誌

君恩具足酬勤劬魚軒遽赴瑤池冥坐令閨壺失
香模豈謝北堂晚蘋荒南澗初斷機舊織空懸

此桂軒續稿六卷得于工用佐許書根舊迹猶存乃天一閣
故物也文選樓本范目中著錄之大壞孤存人間殆無
第二本笑付工重裝畢因記 癸巳十月廿六日小燕